

## **PRIJEDLOG !**

Na osnovu člana 104. Statuta općine Ilijaš – prečišćeni tekst ('Službene novine Kantona Sarajevo' br. 20/09) i te člana 99. Poslovnika o radu Općinskog vijeća Ilijaš ('Službene novine Kantona Sarajevo' br. 2/10),, Općinsko vijeće Ilijaš na svojoj \_\_\_\_\_ sjednici održanoj \_\_.\_\_.2010. godine, donijelo je :

# ZAKLJUČAK

## Član 1.

Prihvata se Nacrt Odluke o izvršavanju Budžeta općine Ilijaš za 2011. godinu i stavlja na javnu raspravu.

## Član 2.

Nacrt Odluke o izvršavanju Budžeta općine Ilijaš za 2011. godinu stavlja se na javnu raspravu, kako slijedi :

- objavom putem web strane općine Ilijaš
- objavom na oglasnoj ploči općine Ilijaš

U javnoj raspravi učestvovat će : mjesne zajednice, budžetski korisnici, političke stranke i ostale asocijacije i udruženja građana.

## Član 3.

Javna rasprava o Nacrtu Odluke o izvršavanju Budžeta općine Ilijaš za 2010. godinu. se određuje u trajanju od 15 dana, počev od 01.12.2010. godine do 15.12.2010. godine.

Javna prezentacija Nacrta Odluke o izvršavanju Budžeta općine Ilijaš za 2010. godinu. održat će se u „velikoj sali općine Ilijaš“ dana 07.12.2010. godine sa početkom u 13,00 sati, a istu će provesti Služba za privredu, finansije i investicije.

## Član 4.

Nakon provedene javne rasprave primjedbe i prijedloge će se dostaviti Službi za privredu, finansije i investicije u pisanoj formi ili putem e-maila, najkasnije do 16.12.2010. godine - 15,00 sati.

Primjedbe i prijedlozi dostavljeni poslije navedenog roka neće biti uzeti u razmatranje.

## Član 5.

Ovaj Zaključak stupa na snagu danom donošenja.

Broj : 01 – I - \_\_\_\_\_ / \_\_\_\_  
Ilijaš, \_\_.\_\_.2010. Godine

**PREDSJEDAVAJUĆI**  
**OPĆINSKOG VIJEĆA ILIJAŠ**

Ilić Petar

## NACRT !

Na osnovu člana 5. Stav 2. i 38. Zakona o budžetima u Federaciji BiH ('Službene novine Federacije BiH' br. 19/06, 76/08, 5/09, 32/09, 51/09, 9/10 i 36/10), člana 13. Zakona o principima lokalne samouprave u Federaciji BiH („Službene novine Federacije BiH“ br. 49/06), člana 103. Statuta općine Ilijaš – prečišćeni tekst ('Službene novine Kantona Sarajevo' br. 20/09), te člana 99. Poslovnika o radu Općinskog vijeća Ilijaš ('Službene novine Kantona Sarajevo' br. 2/10), Općinsko vijeće Ilijaš na svojoj \_\_\_sjednici održanoj \_\_\_.\_\_\_.2010. godine, donijelo je :

# **O D L U K U**

## **o izvršavanju Budžeta općine Ilijaš za 2011. godinu**

### **I OPĆE ODREDBE**

#### Član 1.

Ovom odlukom utvrđuje se struktura prihoda i primitaka, rashoda i izdataka Budžeta općine Ilijaš za 2011. godinu (u daljem tekstu : Budžeta), njegovo izvršavanje, upravljanje prihodima i izdacima Budžeta, prioritet plaćanja, finansijsko izvještavanje, ovlaštenja Općinskog načelnika, te prava i obaveze korisnika budžetskih sredstava u izvršavanju Budžeta i druga pitanja vezana za izvršavanje Budžeta za tekuću godinu.

#### Član 2.

Budžet je procjena godišnjih prihoda i primitaka, te utvrđenih iznosa izdataka i drugih plaćanja općine, koji donosi Općinsko vijeće.

Budžet se donosi za fiskalnu 2011. godinu, odnosno za period od 01. januara do 31. decembra 2011. Godine.

#### Član 3.

Budžet se sastoji od općeg i posebnog dijela i plana razvojnih programa.

Opći dio Budžeta se sastoji od bilansa prihoda i primitaka, te rashoda i izdataka.

Posebni dio Budžeta sastoji se od plana rashoda i izdataka budžetskih korisnika raspoređenih u tekuće i kapitalne izdatke za tekuću budžetsku godinu.

Plan razvojnih programa sastoji se od programa budžetskih korisnika koji sadrži naziv programa, opis programa i potrebna sredstva.

#### Član 4.

Svi javni prihodi i primici Budžeta, uključujući i prihoda koje korisnici budžeta ostvaruju obavljanjem osnovne djelatnosti po posebnim propisima, uplaćuju se na depozitni račun i iskazuje po izvorima iz kojih potiču.

Platni promet vršit će se putem jedinstvenog računa Općine Ilijaš, odnosno putem više transakcijskih računa otvorenih kod banaka..

#### Član 5.

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događa.

Prihodi se priznaju u onom periodu kada su mjerljivi i raspoloživi, to jest kada su uplaćenu na račun, a primici ako je izvjesno da će biti naplaćeni u obračunskom periodu.

Rashodi i izdaci priznaju se u onom periodu kada je obaveza nastala.

#### Član 6.

Budžetom se osiguravaju sredstva za funkcionisanje budžetskih korisnika odnosno Općinskog vijeća i Jedinственог općinskog organa uprave, te sredstva za tekuće i kapitalne grantove i za kapitalne izdatke.

Budžetski korisnici mogu koristiti sredstva u skladu sa svojim finansijskim planovima samo do visine utvrđene namjene u posebnom dijelu Budžeta.

#### Član 7.

Budžet se izvršava na osnovu mjesečnog plana alokacije raspoloživih budžetskih sredstava budžetskim korisnicima, a na osnovu plana novčanih tokova putem kojih se proiciraju sve uplate i isplate sa jedinstvenog računa.

Budžetski korisnici su dužni da vrše mjesečno praćenje priliva i odliva sredstava što predstavlja osnov za izvršavanje budžeta.

## II IZVRŠAVANJE BUDŽETA

#### Član 8.

Općinski načelnik je naredbodavac za raspodjelu i utrošak sredstava utvrđenih u posebnom dijelu Budžeta za Jedinствени općinski organ uprave u skladu sa dinamikom priliva sredstava, ovom Odlukom i važećim propisima.

Sekretar Općinskog vijeća je naredbodavac za raspodjelu sredstava utvrđenih u posebnom dijelu Budžeta za Općinsko vijeće u skladu sa dinamikom priliva sredstava, ovom Odlukom i važećim propisima.

Naredbodavci za raspodjelu sredstava odgovorni su za zakonitost, svrsishodnost, efikasnost i za ekonomičnost raspolaganja budžetskim sredstvima.

#### Član 9.

Kapitalne grantove i Kapitalne izdatke odobrava Općinski načelnik na osnovu Godišnjeg programa rada Općinskog načelnika, usvojenog od strane Općinskog vijeća.

#### Član 10.

Budžet se izvršava u skladu sa njegovim likvidnim mogućnostima po sljedećim prioritetima:

1. Otplata duga i kamata
2. Plaće i naknade uposlenim i zastupnicima
3. Obaveze prema dobavljačima
4. Transferi prema budžetskim korisnicima
5. Grantovi pojedincima

## Član 11.

Budžetski korisnici su dužani u izvršenju Budžeta uskladiti dinamiku realizacije obaveza po Budžetu sa dinamikom priliva i odliva sredstava.

Izuzetno ako u toku godine zbog nastanka novih obaveza dođe do povećanja rashoda ili se smanje prihodi može se donijeti odluku o obustavljanju izvršavanja pojedinih rashoda ili izdataka u trajanju od 45. dana. Odluku donosi Općinski načelnik.

Mjerama privremenog obustavljanja izvršenja budžeta Općinski načelnik može :

1. Zaustaviti preuzimanje obaveza ;
2. Predložiti produženje ugovorenih rokova plaćanja ;
3. Korigovati transfere za sve budžetske korisnike za isnos procenta smanjenja tekućih prihoda u odnosu na plan budžeta, a na osnovu kvartalnih izvještaja ;

## Član 12.

Ukoliko mjere iz člana 11. stav 2. ne daju rezultate pokreće se postupak Izmjena i dopuna Budžeta.

Ako se tokom godine zbog izvanrednih prilika i potreba povećaju izdaci ili smanje prihodi ili primici, Budžet se mora uravnotežiti sniženjem planiranih izdataka ili pronalaženjem novih prihoda. Pored toga ako prihodi značajno porastu Općinski načelnik može odlučiti da se započne sa postupcima Izmjena i dopuna Budžeta.

Uravnoteženje se provodi putem Izmjena i dopuna Budžeta po postupku za donošenje Budžeta.

Općinsko vijeće može odlučiti da Izmjene i dopune Budžeta donese po postupku jednog čitanja.

## Član 13.

Općinski načelnik na prijedlog budžetskih korisnika, može donijeti Odluku o prestruktuiranju rashoda u okviru ukupnog iznosa odobrenog za budžetskog korisnika, najviše do 10 % ukupno odobrenih rashoda za budžetskog korisnika.

U okviru odobrenog Budžeta, preraspodjela sredstava iznimno je dozvoljena između budžetskih korisnika.

## Član 14.

Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve.

O korištenju sredstava tekuće rezerve odlučuje Općinski načelnik.

Budžetsko izdvajanje za tekuću rezervu ne smije preći 3 % ukupnih prihoda, isključujući primitke.

O sredstvima tekuće rezerve Budžeta odlučuje Općinski načelnik koji kvartalno izvještava Općinsko vijeće o eventualnoj upotrebi navedenih sredstava.

## Član 15.

Ako se tokom godine na osnovu zakona i drugih propisa poveća nadležnost budžetskog korisnika što zahtjeva povećana sredstva ili se osnuje novi korisnik, sredstva se osiguravaju iz Budžetske rezerve, a na osnovu odobrenja Općinskog načelnika.

Ako se tokom godine na osnovu zakona ili drugog propisa umanje nadležnosti budžetskog korisnika ili se korisnik ukine, neutrošena sredstva se prenose u budžetsku rezervu ili na korisnika koji je preuzeo njegove poslove.

#### Član 16.

Općinski Budžet može primati donacije i gantove posebnih namjena neovisno od plana Budžeta.

Daje se saglasnost Općinskom načelniku da realizaciju ovih prihoda vrši shodno namjeni, a u skladu sa zakonskim procedurama.

#### Član 17.

Pogrešno ili više uplaćeni javni prihodi, vraćaju se uplatiocu iz sredstava Budžeta u skladu sa odredbama Pravilnika o načinu uplate javnih prihoda budžeta i vanbudžetskih fondova na teritoriji Federacije BiH („Službene novine FBiH“ br. 41/09, 46/09, 56/09, 63/09, 77/09, 02/10 i 10/10).

Rješenje o povratu pogrešno uplaćenih sredstava donosi Općinski načelnik.

#### Član 18.

Postupak nabavke roba, radova i usluga će se provoditi u skladu sa Zakonom o javnim nabavkama („Službene glasnik BiH“ br. 49/04, 19/05, 52/05, 8/06, 24/06, 70/06, 12/09 i 60/10).

#### Član 19.

Sredstva utvrđena u Budžetu :

- ekonomski kod 611110 – Bruto plaće i naknade, isplaćivat će se u skladu sa Odlukom o koeficijentima za obračun plaća i naknada u organu uprave općine Ilijaš i Odluke o utvrđivanju koeficijenata za izabrane zvaničnike, a u skladu sa zakonskim propisima.
- ekonomski kod 611200 – Naknade zaposlenih isplaćivat će se u skladu sa Pravilnikom o plaćama i naknadama u organu uprave općine Ilijaš shodno važećim zakonskim propisima

#### Član 20.

Sredstva utvrđena u Budžetu – ekonomski kod 613000 – Izdaci za materijal i usluge raspoređuje Općinski načelnik shodno operativnom planu budžetskih korisnika.

#### Član 21.

Sredstva utvrđena u Budžetu :

- ekonomski kod 613975/613971 – Naknade zastupnicima i komisijama Općinskog vijeća isplaćivat će se shodno Odluci o visini naknade vijećnicima, članovima stalnih i povremenih radnih tijela Općinskog vijeća Ilijaš, na bazi mjesečnih obračuna koje sastavlja Sekretar Općinskog vijeća.
- ekonomski kod 613977 – izdaci za članove savjeta MZ isplaćuju shodno mjesečnom obračunu koji sastavlja Pomoćnik načelnika za opću upravu i lokalnu samoupravu, a u skladu sa zaključkom Općinskog načelnika kojima se reguliše visina naknade i način obračuna ;
- ekonomski kod 613979 – izdaci za jedinicu i članove štaba CZ isplaćuju shodno mjesečnom obračunu koji sastavlja Pomoćnik načelnika za civilnu zaštitu, a u skladu sa zaključkom Općinskog načelnika kojima se reguliše visina naknade i način obračuna ;

## Član 22.

Sredstva utvrđena u Budžetu :

- ekonomski kod 614129 – Općinska izborna komisija, transferišu se mjesečno u visini 1/12 plana za potrebe rada komisije, shodno važećem zakonskom propisu.

## Član 23.

Sredstva utvrđena u Budžetu :

- ekonomski kod 614221 – Novčana pomoći isplaćuje se na osnovu Odluke o odobravanju i isplati jednokratne novčane pomoći osobama u stanju socijalne potrebe a na bazi pojedinačnih odluka odobrenih od strane Općinskog načelnika po kriterijima utvrđenim odlukom Općinskog vijeća.
- ekonomski kod 614222 – Novčana pomoć invalidnim licima isplaćuje se paraplegičarima sa mjestom stanovanja na području općine Ilijaš na osnovu rješenja Službe za boračko-invalidsku zaštitu, socijalnu zaštitu i raseljena lica kojim se utvrđuje status paraplegičara, u pojedinačnoj visini od 200,00 KM mjesečno.
- ekonomski kod 614232 – Izdaci za vojne invalide, ranjene borce i porodice poginulih i isplaćuju se na ime troškova pokopa i dženaza a na osnovu pojedinačnih odluka odobrenih od strane Pomoćnika načelnika za boračko-invalidsku zaštitu, socijalnu zaštitu i raseljena lica.
- ekonomski kod 614233 – Izdaci za raseljena lica isplaćuju se na ime troškova deložacija i alternativnog smještaja na osnovu pojedinačnih odluka odobrenih od strane Pomoćnika načelnika za boračko-invalidsku zaštitu, socijalnu zaštitu i raseljena lica, a na osnovu zaključka Općinskog načelnika koji reguliše ovu oblast.
- ekonomski kod 614234 – Stipendije se isplaćuju mjesečno na osnovu Odluke i Plana Općinskog vijeća o stipendiranju učenika i studenata.

## Član 24.

Sredstva utvrđena u Budžetu :

- ekonomski kod 614311 – Sredstva za osnovne i srednje škole, svojom odlukom odobrava Općinski načelnik uz prethodno mišljenje Komisije za mlade i obrazovanje ;
- ekonomski kod 614323 – Grant parlamentarnim klubovima OV-a – način izvršenja kao i raspored ovih sredstva izvršit će se na osnovu važeće Odluke o finansiranju parlamentarnih grupa u Općinskom vijeću Ilijaš
- ekonomski kod 614324 – Transfer udruženjima građana - transferiše se mjesečno u visini 1/12 plana.
- ekonomski kod 614324 – Tekući grantovi za kulturi odobravaju se na osnovu programskih zahtjeva koje odobrava Općinski načelnik, uz prethodno mišljenje Komisije za kulturu i sport ;
- ekonomski kod 614324 – Ostali tekući grantovi odobravaju se na osnovu programskih zahtjeva koje odobrava Općinski načelnik ;
- ekonomski kod 614324 – Tekući grant za mlade odobravaju se na osnovu programskih zahtjeva koje odobrava Općinski načelnik ;

## Član 25.

Sredstva utvrđena u Budžetu :

- ekonomski kod 614411 – Grant JU Kulturno-sportski centar i Radio Ilijaš

- ekonomski kod 614412 - Grant JKP Vodostan - subvencije snadbjevanja pitkom vodom iz lokalnih vodovoda.  
transferišu se mjesečno u visini 1/12 plana.

#### Član 26.

Budžetski korisnici navedeni u članu 22. i 23. dužni su tromjesečno izvještavati nadležne općinske službe koje sačinjavaju Informaciju za Općinsko vijeće.

U slučaju eventualno nepravdanja utrošenih sredstava Općinski načelnik može svojom Odlukom zaustaviti redovan transfer sredstava.

Za sportska društva zbog kalendara takmičenja transferi se mogu vršiti i shodno terminskim planovima i obavezama, a na osnovu njihovih zahtjeva.

Grantovi boračkim udruženjima za redovnu djelatnost rasporedit će se na osnovu odluke Općinskog načelnika, koju će predložiti Komisija za boračka pitanja uz konsultaciju sa Službom za boračko-invalidsku zaštitu, socijalnu zaštitu i raseljena lica.

Grantovi sportskim udruženjima za redovnu djelatnost rasporedit će se na osnovu odluke Općinskog načelnika, koju će predložiti Komisija za kulturu i sport uz konsultacije sa nadležnom službom.

Sredstva grant za ratna udruženja na osnovu programa i projekata raspoređuje Općinski načelnik svojom odlukom, uz prethodno mišljenje Komisije za boračka pitanja.

#### Član 27.

Sredstva utvrđena u Budžetu – ekonomski kod 615117 – kapitalni grantovi nižim nivoima vlasti odobrava Općinski načelnik kao direktne investicije Budžeta ili kroz udruživanje sredstava sa Mjesnim zajednicama.

Kod udruživanja sredstava u slučaju da sredstva Budžeta učestvuju sa preko 30 %, investiciju vodi nadležni Općinski organ. Ukoliko budžetska sredstva učestvuju sa manje od 30 %, moguć je transfer tih sredstava Mjesnim zajednicama.

#### Član 28.

Projekti sanacije, rekonstrukcije i izgradnje u oblasti javne komunalne i ostale infrastrukture mogu se realizovati kroz kapitalne grantove javnim preduzećima koji obavljaju djelatnost od javnog interesa.

Odluku o transferu sredstava za ove namjene donosi Općinski načelnik.

### III FINANSIJSKO IZVJEŠTAVANJE

#### Član 29.

Općinsko vijeće razmatra i usvaja polugodišnji i godišnji izvještaj o izvršenju Budžeta o rokovima predviđenim Zakonom o budžetima Federacije BiH.

Općinskom vijeću se dostavlja informacija o izvršenju budžeta za period I – III i I - IX.

#### Član 30.

Nadzor nad upotrebom i trošenjem budžetskih sredstava vrše nadležna radna tijela – komisije, i resorne službe koje izvještaj o izvršenom nadzoru dostavljaju Općinskom vijeću.

Realizaciju budžetskog plana analizira i prati Komisija za budžet i finansije i o tome obavještava Općinsko vijeće.

#### IV ZAVRŠNE ODREDBE

#### Član 31.

Za sva pitanja koja nisu regulisana ovom Odlukom, a tiču se načina izrade, donošenja, izvršavanja Budžeta, zaduživanja, duga, računovodstva, nadzora i revizije Budžeta, primjenjivat će se odredbe važećih zakona.

#### Član 32.

Ova odluka stupa na snagu danom objavljivanja u 'Službenim novinama Kantona Sarajevo', a primjenjivat će se za fiskalnu 2011. godinu.

Broj : \_\_\_\_\_ / \_\_\_\_  
Ilijaš, \_\_\_\_\_.\_\_\_\_.2010. Godine

PREDSJEDAVAJUĆI  
OPĆINSKOG VIJEĆA ILIJAŠ

Ilić Petar



## OBRAZLOŽENJE

Zakonski osnov za donošenje Odluke o izvršavanju Budžeta nalazi se u članu 5. i 38. Zakona o budžetima u Federaciji BiH ('Službene novine Federacije BiH' br. 19/06, 76/08, 5/09, 32/09, 51/09 i 9/10), članu 13. Zakona o principima lokalne samouprave u Federaciji BiH („Službene novine Federacije BiH“ br. 49/06) i članu 103. Statuta općine Ilijaš – prečišćeni tekst ('Službene novine Kantona Sarajevo' br. 20/09).

Ova Odluka predstavlja provedbeni dokument Budžeta općine Ilijaš za 2011. godinu. Mada je ova materija praktično u potpunosti regulisana zakonima, smatramo da se na ovaj način još preciznije utvrđuju obaveze i odgovornosti Općinskog načelnika i budžetskih korisnika, kao i prava i obaveze Općinskog vijeća u procesu izvršenja Budžeta, a sve u cilju da Budžet općine učinimo još transparentnijim.

Obzirom da su u samoj Odluci, sva rješenja o načinu izvršenja Budžeta data precizno i jasno, cijenimo da nije potrebno posebno dodatno obrazloženje.

Predlažemo Općinskom vijeću da navedenu Odluku usvoji.

Služba za privredu, investicije i finansije